



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fragstuck Des Christlichen Glaubens/ an die neuwe
Sectische Predigkandten**

Hay, John

Freyburg in der Eydgnoschaft, 1587

VD16 H 844

Die 205. Frag.

urn:nbn:de:hbz:466:1-32773

mit dem blossen Glauben vnd schmeichlet euch allein mit der Gnade Gottes / wie Schmidle von euch schreibt / in der vierdten Predig / von den ierdischen Planeten / Darzu jr euch dann neuwe Lehr vnd Predigtandten erwehlet vnd annemmet / höret also gern was den Orenfuh vnd der Lustbarkeit des Leibs angenem ist. Herz gegen die Catholische beständige Warheit verlasset / vnd der neuwen ungegründten Lehrern eigensinnige Aufzlegung als warhaft euch lasset gefallen.

Die 204. Frag.

Christus der Seligmacher zeugt an / wie zum letzten zeyten des das grösste fürnemmen / vnd höchste begeren der Welt seyn werde / das sie essen vñ trinken / das sie Weiber zur ehe nemmen / vnd herwider den Mannen sich verheyraten / gleich wie zur zeyt Noe / da sie von dem Sündfluh überfallen wurde / Matt. 24. Ist dann diß nicht auch die fürnembste Meynung vnd Lehr euwer Euangelischen Freyheit / in massen / das auch die so sich desß essens vnd trinkens mäfigen vnd abstinenz halten / oder in Keuschheit ihr Leben vollführen wollen / von euch vnd den eufern verlachet werden.

Die 205. Frag.

Aber mal schreibt der Heilig Paulus verständlich von hochtragenden falschen Lehrern mit vil Worten / vñ leichtlich auff dise weyh / Sie lehrnen allweg / vnd können doch nimmer zur erkandtnuß der Warheit kommen / Gleicher weyh aber wie Jamnes vnd Mambres dem Moysi widerstanden / also widerstehen auch dise der Warheit / das sind Menschen eines verkehrten Verstandis / eines verkehrten falschen Glaubens / sie werden aber in die lange nicht treiben / dann ihr Thorheit wird offenbar werden jedermann / 2. Timoth. 3. Deutet dann nicht Paulus auff euch Predigtandten / die weyl jr immerdar lehrnet / vnd können doch nit zur erkandtnuß der Warheit kommen / dann ihr allzeit erst heut wolltet verbessern / was ihr schon gestern habt gelehrt / also das die letzte Lehr stets der ersten zu wider ist / dann socht aber bey euch selbs

so hoch

so hochfragen seydt / dasz iher mit euwer Lehr die ganze Welt trus-
sen dorfft / vnd auf Stolzheit nicht leyden moget / dasz ein andere
Lehr / ja auch nicht der H. Vattern / der euwern furgezogen werde/
noch dasz man euch euwre Irrthumb zuverstehen gebe. Dieweyl
si auch gleichergestalt der Warheit vnd obersten Kirchenhaeuptern
widerstandt thun / wie vorzeysten Jamnes vnnd Mambres dem
obersten Regendten Moysi theten / das ich der vbrigten Eastern so
Paulus hievor erzahlet geschwenge / ob wol sie an euch genugsam
auch besunden werden / Darauf leichtlich zuschliessen ist / dasz iher
eines verkehrten Verstandis vnnd verworffnen falschen Glaub-
bens sindt / vnd deshalb mit bestem furschen zumeyden.

Die 206. frag.

Nimmer war spricht Christus der Hen / ich hab euchs vor-
gesagt / So euch jemande wirdt sagen / hie ist Christus oder
dort / Er ist in der Wüste / oder in der Kämmern / so solt ihr
es nicht glauben / Matth. 24. Könnet iher dann sagen / das dises
nit an euch seye warhaft worden / seyten mal der ein schreyt / hie ist
Christi Kirch / der ander dort ist sie / der ein will Christi Versam-
lung auff dem Feldt oder im Waldt haben / der ander bey der Fürs-
ten Hoff / einer will sic in diser Landschafft / der ander aber in je-
ner haben oder in Winckeln. Und will dannoch ein jedtweder seine
Kirch seyn die Catholische Kirch Christi die zu jeden zeytē bey allen
Völkern habe gelten sollen / unangeschen / das diser sein Glaub
erst vor kurzer zeyt erwachsen / vnd bey allen Völkern bisher un-
erkannt ist gewesen / zu dem auch / das alle Heiligen Lehrer vnd His-
torien jeder zeytē einhelliglich wider ihn Zeugniß geben.

Die 207. frag.

Vor das letzte ist nit auch diser Spruch vnd weyssagung / on
den Neuwgläubigen Deutschen vnnd andern vollbrachte
worden / dieweyl sie mehr dem Bauch auffwarten / als der
Gottseligkeit / Nemlich / Ich sag euch spricht Christus / das Reich
Gottes wirdt von euch genommen / vnnd einem Volk geben
werden / das seine Frucht thut vnnd vollbringt / Matth. 21. Wie
B ii zuse